



寄鷗存稿



寄

光緒丁亥
年六月刊

蘇

昌黎韓氏謂老杜詩泰山一毫芒
旨此斯言是真能知老杜者余幼
時嘗讀浣花集刻意求之未窺
堂奧至老有餘憾焉游艸一編乃
借事遣興之作本不足存以李憲
之方伯索觀貽我刊資趙菁衫觀
察有云歸而自娛其詩二公皆深
于詩者也因取舊存雜作附以小
詞与游艸重加刪削并付手民以
酬憲之菁衫若云問世則吾豈敢
光緒丁亥六月陽羨老民自記



寄鷗存稿

秋興 用杜工部韻

涼颼蕭颯出霜林，城闕危樓秋氣森。
蕪草生寒迷野戍，槐花無語落庭陰。
啼鳥乍警還家夢，丹鳳猶舒向日心。
河上角聲驚歲晚，月明萬戶聽敲砧。

離騷讀罷月輪斜，世事滄桑感歲華。
禾黍不堪悲故國，江湖何處問仙槎。
雁鴻聲斷驚衰草，蝦虎城荒隱暮笳。
天地肅清秋易老，香留晚節有黃花。

漢水迴瀾捲落暉，江城隱隱夜光微。
鯨翻浪激銀鱗動，鶴去樓空玉笛飛。
叔子遺碑淚猶濕，仲宣作賦意多違。
秋風吹起莼鱸思，豈羨長安乘馬肥。

寄驅存稿

卷

人事真如一局棋，倉皇捧檄亦堪悲。
南天烽火迷千里，北漠風塵異四時。
不盡關山多閱歷，空餘皮骨付奔馳。
峰高差喜蓬萊近，似水臣心凜退思。

千年王氣壯河山，旋轉乾坤一瞬間。
丹詔新頒懸魏闕，元戎據險阨秦關。
范韓當國維天運，堯舜臨朝仰聖顏。
殿閣森嚴秋肅肅，靜聽宮漏點鴛班。

大旗日落戍江頭，萬里關山春復秋。
風緊寒衣笳有淚，月明邊



塞笛飛愁塵沙捲地空飢鶻湖海輸芻泣野鷗十載丁租虛轉
運烽烟猶未靖中州

將軍汗馬蹶全功百萬軍威感慨中大樹凋零迷慘霧曇花冷
落哭西風靈飛毅魄雲翻黑血染長河日照紅誰挾網羅收鱷
族江南尚有老漁翁

相隨琴鶴自逶迤官閣清陰覆綠波鷹隼新枯邊塞草鷓鴣喜
借上林枝無多舊雨天涯隔兩度秋風物候移磊落襟懷動霄
漢神京翹望斗杓垂

七歌詩 用杜工部韻

寄驅存稿

卷

二

鳳兮鳳兮具五美高岡一鳴聲盈耳飄然舉翮戾青冥迴翔飛
入深山裏栖梧食竹斂光彩不遇時清心不死嗚呼一歌兮歌
已哀晴猿淚落天風來

乘時假以尺寸柄此生寄託皆民命豺狼作勢猶猖獗血染河
流悲斫脛城頭日落烏夜啼霜雪生寒天地靜嗚呼二歌兮歌
始放聽徹哀笳動惆悵

我有兄兮天一方我嗟影瘦兄轉強鵲鴝啼破荆臺月雙鯉無
書歸夢長安得振翼飛雲鶴千里一瞬江之旁嗚呼三歌兮歌
三發馳驅十載空皮骨

更有姊兮生別離家徒壁立諸兒癡蝦虎城邊鬼夜哭月明千里同此時徘徊江漢不忍去落日蒼涼閃大旗嗚呼四歌兮歌四奏秋空一雁飛清晝

南飛烏鵲去何急風雨瀟瀟秋夢濕蒿萊滿日走塵沙荒郊白骨如山立但聞豺猿嘯空谷我欲消愁愁畢集嗚呼五歌兮歌正長淒涼寒月滿江鄉

尙有龍兮潛深湫風雲吞吐繞松樛古木蕭颯日色薄魑魅喜與人同游慷慨拔劍夜起舞斬之不盡死不休嗚呼六歌兮歌思遲天地令我生奇姿

寄驅存稿

卷

三

薊門落木秋將老十年三走長安道天衢車馬自輕肥解組歸來胡不早登高四顧天地窄憂時何計抒懷抱嗚呼七歌兮惜終曲過眼浮雲去來速

四時曲

龍池柳色搖新綠夾道流泉漱鳴玉東風暗度上陽花垂簾空奏霓裳曲椒殿春寒雲影閒杜鵑啼破上林烟羊車來往無消息明月圓時人未眠

天公敲暑天不風瞳矓日照旌旗紅雙飛燕子各南北玉關夢杳朱樓空望斷刀環傍階立捲簾幾點螢飛入星河耿耿漏聲

殘錯聽悲笳淚猶濕

芙蓉花老春心愁銀河欲渡水不流寒砧斷長安月美人空
自倚高樓聲飛折柳簫吹玉颯颯金風動疏竹天涯何處覓歸
鴻芳草有情秋更綠

客游慣作江湖行北風怒吼洪濤聲欲寄相思悄無語凍雲吹
斷千山青怯聽殘漏銅壺滴商婦夜夜催刀尺愁水愁風夢不
成窻前一樹梅花白

秋野五首 用杜工部韻

秋日冷平蕪茫茫接太虛舟橫誰問渡村斷已成墟寒葉經霜
寄軀存稿

卷

四

落新葵帶雨鋤蘋風江上起鄉思動鱸魚

地僻風烟古無心與俗違蟬吟殘日落鳥帶斷雲歸老去生涯
薄年來景物非菜羹知有味豈必首陽薇

是處衡茆靜村虛歸路長疏風散秋氣淡月冷湖光翠引竹千
畝青延山一房芳菲春事歇杭稻晚來香

雨洗衆峰出夕陽楓葉紅城烏啼夜月山鬼哭西風飛瀑千崖
倒敲砧萬戶同偶參黃檗義花落梵王宮

湖上亦秋色飄飄鷗一羣浮生猶昨夢世事不多聞煙渚餘寒
日荒村欲渡雲荷鋤田舍叟笑爾學從軍

聞鴉感賦

恩憐蘭苦入楚觀何向當昔如寒林筆一賦也

五更殘雨濕秋夢寒鴉亂飛天欲明滄海浮鷗知我意故鄉哀
雁爲誰鳴西風繞樹憐三匝世事如棋換一枰莫向城頭啼不
斷垂楊終古碧無情

解悶十二首

用杜工部韻

楚北燕南總客居聲聲啼鴉雨晴初江湖搖落秋風起贏得青
蚨換白魚

一從小艇渡瓜洲烟雨迷離故國樓烏鶻南飛淒遠目金山猶

記昔年游

寄軀存稿

五

庭前寒竹又鳴秋一角西山似故邱芳草有情今更綠不堪清
夢到揚州

顧曲周郎隔魂夢月明千里入懷中昆湖爲我攜雙鯉豈羨寒

江釣雪翁

文章千古亦吾師磊落襟期更不疑萍絮新詞姜白石濡毫題

我一編詩

夏口浮家意惘然烽烟遠隔信難傳芙蓉江上秋先老細數游

鱗翻白鷗

月落湘江動幽思紉蘭苦入楚騷吟何當借取雲林筆一幅生

綉寫素心

別墅也曾仿石丞一邱一壑隱蘿藤每因風雨添吟興學步齊
梁苦未能

絳仙才調兼三絕拈韻低吟步建安黃葉空階寫秋色瓊樓高
處露光團

多少飛鴉憶故枝老槐屈曲石逶迤游仙一夢隔塵霧滿院落
花人不知

羈栖薄宦年如駛汗馬功名志未成安得湖山謝琴鶴閉門無
事學長生

寄驅存稿

六

秋風江上採菰蒲且盡牀頭酒一壺冰炭不言時候異雲霓變
幻只斯須

白秋海棠三首

不借春陰護碧苔一枝偏向月中開霜凝仙骨輸殘菊雪冷秋
心憶聘梅玉臂生寒香愈淡冰魂沈醉夢初回翻嫌桃李無顏
色燦出瓊葩雲作臺

一叢冷艷遶籬根低怨吳粧憶故園寵謝東皇賜欲斷春歸西
府淚無痕垂絲已着霜枝色高燭空招月夜魂未許嫣紅爭富
貴秋陰深鎖不開門

卸却春妝色相空阿嬌無力醉秋風梨雲應遜三分白梅雪猶
輸一點紅香抱冰心寒蜀錦睡餘銀燭艷唐宮枝頭莫染猩猩
血淡粉生姿畫未工

挽僧邱

百勝軍威傷一蹶明星東隕動山河風催錦燾烽烟慘日黯壺
漿涕淚多惟有老臣能慷慨從來名將總消磨鳳凰臺畔瀟瀟
雨血染黃流咽逝波

無題四首

一曲笙歌泊畫船柳絲搖曳夕陽天雙雙燕子春將暮隱隱星

寄驅存稿

卷

七

辰夢未圓軟步娉婷憐繡屐凝脂嬌膩試溫泉相看丁字簾前
月照徧紅樓十倍妍

羅袖低垂笑語輕欲將碧玉定傾城飛來萍絮家何處尋到梅
花夢幾生悔我青年無冶習羨卿紅粉有詩名相逢空縮同心
結辜負春風一段情

出水芙蓉入畫難嬾妝無力鬥春寒愛翻新曲鶯聲膩細數殘
更蠟淚乾隔院猶聽歌赤鳳褰幃虛憶夢青鸞飛瓊未許人間
識也抱芳心種合歡

芙蓉已向秋江老十載烽烟雁更沉青鳥難傳商女恨丹蕉猶

捲美人心月圓虛幌疑明鏡風冷高樓咽斷砧夢到江南春寂
寂惠泉清淺暮雲深

哀女

吁嗟乎吾女膝下未離汝桂萼二十年胡爲舍我去猶憶學語
時婉孌愛摩撫珍奇不換兒明珠掌上舞七歲誦毛詩句讀能
分割十三學寫字方寸合規矩生性本孤高嬉游無伴侶隨母
至青村苜蓿分園圃依依恃晨昏無間寒與暑星霜復四易歸
棹飛黃浦憶汝失恃時紀年惟戊午血淚霑衣裳抱恨嗟孤苦
我復上長安捧檄旋之楚庚申之仲春赤眉忽分股烽火滿鄉

寄驅存稿

卷

八

閭急泛洞庭躡吳頭隔楚尾雁鴻無便羽茫茫劫塵間山川更
修阻苔岑締夙緣夫家已早許我亦憚遠行送之承筐篋忽忽
已二秋甘貧食荼茹得汝一紙書知汝念而父不畏江漢濤偕
姑來鶴渚生離年復年一見淚如雨先我至玉陽爲我整行旅
後我至邢襄爲我侍膳脯追隨庭闈間色笑無齟齬破涕強爲
歡憂心觸眉嫵問汝何所望願言安貧窶問汝何所思默默無
一語瞻彼振翼鳥徘徊倚庭樹睹茲出岫雲俯仰傷時序中夜
起徬徨鬱鬱增愁緒念此迫衷腸病魔纏二豎捶牀恨不起呻
吟更僕偃爲汝投藥石厥疾乃大愈詎知鬼作祟月明夜三五

甫過誕生期天已盡其數寒衾寐恍惚淒風摧四鼓撒手遽西
歸嗟哉絕命縷花落委泉臺玉碎沈黃土悲鳥號松楸啼鶻泣
棠杜從此長別離傷心嗟何補汝爲聰明誤令我裂肺腑平生
未展眉何以慰泉府春蠶心不死靈魄尙栩栩何處可招魂奠
之以香醕願早脫苦海劫火焚一炬生公說法臺妙諦蓮花吐
了然悟俗緣清淨歸梵宇縹緲環珮聲華鬢眞仙處

無家嘆

天道猶張弓人事若轉轂浩劫痛蒼生桑梓忽沈陸日月斂光
芒烽烟蔽林麓白骨成邱山狗彘食人肉茫茫千百年塵夢始

寄驅存稿

卷

九

一覺甲子紀上元剝極運乃復當道豺與狼天網收其族園廬
盡蕪沒瘡痍嗟滿目城荒草木深但聞鬼夜哭狐兔穴孤塚鴟
梟啼破屋天昏雨更愁山空樹已禿死者恨吞聲生者嘆枵腹
誰是有心人給求更養欲載月泛湖船夜夜燃高燭疆吏念民
瘼撫字勞司牧一檄集流亡招徠先發粟再檄清田糧戶戶給
耕犢偉矣鄴侯功生佛同聲祝地廣苦人稀萬里不成熟縣吏
迫迫呼計畝說其六嗟哉茲子遺彼蒼不我畜哀鴻匝地呼螻
蛇猶噓毒世變物不齊安得再洗濯笑彼媚世容何事共爭逐
忽忽十二秋未改常時服同是出山泉能分清與濁皓月伴寒

梅清風倚修竹人生若萍梗念茲迫幽獨鳥倦亦知還可奈巢
傾覆北地異寒暄達生豈自足俯仰身世間難消愁萬斛

題謝貞女少韞詞

衡山之側湘水之濱誕生謝女肇錫嘉名才如左妹訓諳班昭
徹環奉母綽髮垂髻四德俱備七誠毋忘孰謂佳壻坦腹東牀
籍籍家聲峩峩髦士天作之合實維羅氏維此羅氏席上之珍
觀書卓犖寒夜青燈吉未鳴雁凶旋賦鵬瓶罄疊耻悲興莪蓼
嬰疾垂危哀此覺獨吁嗟夫兮命之傾兮吁嗟女兮心之驚兮
命之傾兮莫可續也心之驚兮孰可告也言告父母言告我兄

寄驪存稿

卷

願言覲止血淚交并奄奄一息病入膏肓既見君子滿目悽愴
鸞凰分飛玉釵遽折琴瑟未張哀絃頓絕草木變色天地生愁
泉臺夜冷悲鳴啾啾桐不孤生鴛宜雙死義之所在烏能自己
生未同衾死可同穴謂予不信有如皦日袖出短七作作有銚
引以自刺舉室倉皇母兮兄兮聲不絕呼有菽可啜盍奉而姑
有茶可茹盍撫而孤女乃淒然甘如寡鵠女更怡然愛還舐犢
嗟哉重鳥胡爲不育天實爲之自憐命薄松柏蒼蒼在山之陽
維女之節歷久彌彰菴苑離離在水之湄維女之志之死不移
彤管揄芬巴人獻曲採諸輶軒以矜蠻俗

昂兒三十歲寄詩勉之

憶汝墮地時忽忽三十春富貴信有命遇合各有因吾生何所
寶所寶在令名自古有爲者天必困其身處境日以迫立志日
以純筋骨與體膚磨練而後成維逆斯能順維屈斯能伸名言
兼至理味之淡彌真我年將半百白髮漸星星夙夜忍艱劬世
味別酸辛浮雲去來速已無軒冕情羨彼倦飛鳥笑彼出谷鶯
豈學嵇康懶不愁原憲貧高曾食舊德清白傳家聲桑梓忽沈
陸祿養可代耕望汝立身早爲我分勞薪六載閱星霜極目湘
水濱湘水自悠悠可以濯我纓書生有本色習俗徒紛紛勿謂
小節微素縞染塵氛毋爲外物誘炫目誇鮮新人禽爭須臾義
利辨毫分潛心在經史足以擴見聞儒術飾治術有條乃不焚
馭煩當執簡論事宜持平官箴有三字尤在清與勤民癯而我
肥猶虔象齒焚民肥不我癯酌水可盟心儉以養其廉敏以求
其精修名須自立壽同金石貞願汝繩祖武慰我期望殷迢迢
幾千里念汝徒傷神寄汝一紙書可當座右銘

張海柯軍門挽詞

東南半壁烽烟起乾坤震蕩不能已紅羊劫運天模糊大江南
北橫蛇豕卓哉平梁勇烈公甲兵百萬羅心胸草木知名張萬

福冲霄奇氣吐長虹倡議築堡固疆圉周公山下旌旗紅區區

山城大如斗堅壁直等金湯雄子弟團兵猛于虎號令親申執

桴鼓妖氛直逼南豫州卽廬州耕戰兼謀安若堵公憂皖局心如

焚出沒莫制青犢羣陳苗并起若蟻聚誰爲天家作虎臣公練

淮軍揖南服攻克堅城計有六慨然同氣伸同仇梟雄就戮鯨

鯢伏縱橫百戰走東吳渡江擊楫胡爲乎屯軍滬瀆肅刁斗黃

浦賊艦連孫盧偉矣元戎鄴侯李隻手擎天孰與比惟公跌蕩

江湖間龍拏虎鬪無餘子牙旗變色陣雲寒倒挽吳淞半江水

將軍欲以少勝多令肅風霜警鶴鵝東拔幟登虞嶺進取蘭

寄驅存稿

卷

三

陵夜枕戈偏師鏖戰福山口一鼓催鋒賊驚走慷慨軍容五百

人直入虎穴殲其首海塘倒瀉如壁立金輦動地風濤吼伏莽

誰知詭計生橫空矢石如雷鳴駐馬揮戈魯陽舍六轡在手塵

不驚孤軍深入陷危險勢如破竹鋒莫嬰排鎗中臂臂不折征

衣貼肉戰血腥送死凶徒魄已喪顏牧上將孰與抗東南白骨

成邱山子遺頓慰來蘇望直指妖星落大營故國山河一洗蕩

檣槍忽墮齊豫間李牛分股逞凶頑南來飛將驅貔虎樹字連

營重太山太山峩峩妖霧塞披堅直搗長蛇窟義旗乘勝指魚

臺再捷陳州誓朝食豕突狼奔賊胆寒鐵騎飛鳴夜昏黑奇功

逐北騰龍驤羣醜莫敢窺畿疆中原狡兔復窮竄鎖鑰誰監荆
與襄可奈天心容戰伐鄂中餘焰方鳴張公師間道進雲夢朔
風獵獵地始凍蟻隊麕聚楊冢河東岸橫排烏合衆公乃從容
整六師左右夾擊計出奇縱是黃巾與赤眉會當一舉殲無遺
躍馬渡河殺氣壯沖開毒霧層雲盪白刃一揮肝腦塗殷血橫
流漢之廣將士痛飲走貔貅安州日落風颼颼貸命游魂敢死
鬪奮勇先持丈八矛豈知蜉蝣撼大樹冲斷前軍忽分股陰風
慘淡軒轅旗鼓聲先死角聲苦茫茫黑夜捲塵沙勁卒摧殘恨
難補公猶屹立重圍中嗚嗚一聲箭飛雨楚塞俄驚落大星凶
奇驅存稿

三

識亡彭天柱傾丹心一縷貫牛斗背裂睢陽恨不平殺魄頻呼
還殺賊靈旗縹緲下蒼冥全師未覆身先死天意胡爲促冠軍
道路悲號震山谷吞聲誰更扶危局空令馬革裹尸還千里招
魂芻一束魂兮歸來悲風吹淚墮襄陽峴首碑陳情未踐生前
語留此孤忠報 主知側想 宮廷深悼惜兩字褒榮垂竹帛
正氣同爭日月光千秋祠宇輝金碧

詠蘭二十四首

飛英落江渚渺渺洞庭秋一夢寒江綠空令屈子愁
夢不到君家無言自著花花開花又落都是好年華

蕭艾如何溷珊瑚仙骨寒秋風動羅帶獨自綠江干
隔簾花影動應是美人來美人何所憶扶月立蒼苔
幽蘭在空谷荆棘不會除余情其信芳怡然與之俱
好花已堪折望裏音塵絕桃李向陽枝欣欣動顏色
軒車來何遲琴響楚天碧雜佩以紉之聊以永朝夕
九畹揚清輝當爲王者選看取兩三枝芳心及時展
蕙生葉葉長蘭生枝枝短短長各自妍可奈無人管
翠袖倚斜暉枝頭露欲晞思君君不見千里夢魂飛
飛瓊散天葩幽谷生瑤草媚服亦因時此意憑誰道

寄驪存稿

十四

佩爾明月璫笑彼時樣妝芳心不可卷願君毋相忘
惠風泛晴綠百卉弄春色瘦影立亭亭淚滴羅衣濕
忽逢老樵客執柯先披榛費盡誅鋤力燕南別有春
春風被羅袂夜夜長相思相思令人老臭味胡差池
雲根得所託獨自戀芳菲濃浦秋風起問君歸不歸
碧草復離離王孫那得知好花誰作主已是半開時
風露何淒淒望君長安西盈盈隔湘水不敢向人啼
側身非媚世延頸欲送語窻下立多時只怕東風妬
借君畫眉筆爲君畫團扇團扇風生香宛轉撲君面

居高而不危履險亦如夷以之比君子此心終不移
年來新雨露多在渚宮春幽意不改色可曾細細紉
升庭伴芷草將以薦清廟鬱鬱吐馨香素心列懷抱
相思年復年蓬萊夢不見欲將倚蘭操奏入南薰殿

題袁古香倚劍長嘯圖

劃然一嘯天門開長空萬里清風來欲上青霄攬八極飛崖絕
壑隱蓬萊蓬萊峰頂不可到晴猿啼月松聲哀一道白虹薄牛
斗直欲吐氣興雲雷蕭蕭易水咽寒絳何時復築黃金臺搔首
問天天不語胡爲生此磊落之奇才發浩譌一場眉飛瀑倒瀉
寄驪存稿

十五

喜雨篇

恒暘恣炎赫青霄闕甘液陽伏與陰愆茫茫千里赤三冬不見
雪暖律已潛催歲星恰建午早魃釀奇災南風走砂石晝夜聲
喧豕彤雲日以布黃塵忽以霾欲雨不得雨天意胡爲哉自我
來邢州忽忽已七載滿地虎與豺于戈輟耜未挽粟更輸芻民
勞亦已瘁哀哀此子遺何以堪凶歲蟲蟲嘆蘊隆仰首顙太空
太空猶惜情我心則兢兢磅惶日與夕鑿井補天工蒙泉引溝

瀆輓轡若轉轂汨汨乎其來將以播百穀胡乃狂虎吼大地吹
塵垢原隰圻疆紋灌溉空胼手菽麥漸漸枯赤日燒平蕪痴龍
大海眠哀鴻匝地呼焚燄已如此斯人嗟何辜焚香告上帝曷
以銷偏沴歛獻詣龍池揮汗兼流涕鐵券靈且奇倉皇遣車騎
引領望雲霓其雨雨忽霽惶惶計安施節逾芒種期午月之既
望復帥吏民祈長跪不復起頂禮敢云疲天高聽或卑虔申引
咎辭災祲若可移願以身受之心香通一縷神借降栩栩天數
亦何尤謂余勿自苦速行祈禳典甘霖當借汝白旆建離宮晝
卦虛坎中癸字大如斗中央捲惡風雙星拜金木叩齒精靈通

寄驅存稿

共

九天雲下垂隱隱繞槐宮越日惟壬午微雨來自東浙漉如絲
飄黃霧起冥濛欲起不得起劃然亘長空俄焉動雷鼓天公忽
震怒霹靂蕩乾坤掃却千重霧神龍作勢驕噓雲四郊布倒峽
瀉銀潢傾盆注瓊澍民曰旱太甚膏沐未全飮復占七日期謂
余毋過慮子曰一陰生一雨當再雨仙乎信不虛元感通靈區
能令豐隆號又令飛廉驅下尺生上尺高下齊霑濡以介我稷
黍奚必玉與珠以穀我士女奚止袴與襦生機聚蓂笠歡聲動
街衢回天仗神力轉移只斯須幽明無二理誠可孚豚魚寄言
司牧者慎毋忽居諸

感事 集坐位帖字

世故紛如不可知縱橫大海已東之終南有徑何曾到天爵雖
尊未及時猶喜晚香開晚節且將名論當名師宋人事事皆參
錯願與諸君一再思

道路于今皆偏側獨行豈必與人同若能不用王侯命從此當
收將相功其仰盛名藏大室未應大事誤明公一身參破君平
數只有葵心自向東

聖世君臣日月光忽然反側裂朝綱崇高無志存冠冕厭足何
時是犬羊聞道人心思上相可知天意尙尊王令公事業今難

寄驪存稿

七

再大李將軍須一匡

進取無心畫半塗修名未立更何如爭端已息堂前爵介節猶
縣座右魚下士能容一席地傳家但守百城書只今屈直難分
別且據襄州作寓居

題趙惠甫先世耕讀圖

蘭陵趙氏栖鸞之鄉鬱鬱門閭寢熾寢昌服疇食德第祿爾康
相古先民迺場迺疆播茲嘉穀黍稷稻粱佑啟我後必有餘慶
君子有穀賦畝徜徉以似以續教之義方苗畚經訓何用不臧
木則有飢金則有穰莊橋之側其流泱泱豈弟君子上天降祥

瞻彼蘭兮於焉吐芳菽蘭如何肯構肯堂自求多福長樂未央
蔚哉文豹于彼南岡譽髦斯士以瀉中藏蓬門之下潛踪韜光
篤生蒸毅爲國棟樑有苗弗率燹伐用彰乃文乃武南國是防
不顯丕承黼黻文章夙夜在公媚茲君王惟忠與孝祀以烝嘗
綿綿延延勿替馨香栢臺我戡式是大邦猗歟令聞漢水俱長
翩翩公子如圭如璋棣華韡韡鳳翥鸞軒車莅止在盜之陽
不遑朝夕治具畢張父兮母兮萬民所望克繩祖武純嘏爾常
癸未十月余將南返徐偉侯賦詩贈行次韻答之

德州道中

奇傑不世出造物宏胚胎獨立俯區宇飛塵空中來纜轡登秦

奇驅存稿

六

佶浩然吐明瑰與君一握手談道何恢恢磅程擁旌節無術闢
汗萊笑彼倦飛鳥見色猶遲回宣南夜語深酌酒浮金疊庭前
森蘭玉雨露所滋培贈我南浦詞正是黃華開何時撥雲霧大
地蘇春荄

寄周筱棠司農

德州道中

天涯落莫走風塵公瑾醇醪味最真三十年來如大夢從今可
保歲寒身

崢嶸臺閣近天樞百事艱難勢亦孤蕭寺月明深夜語兩人相
對各踟躕

雀鼠無端滿戶庭當門蘭蕙爲誰馨如君夙具人倫鑒任爾紛紜眼獨醒

秋色蕭條出國門菊開晚節澹無言孤懷寄語知音者畢竟功名死後尊

寄逢辛姪 德州道中

九秋澹吾慮老圃黃華開蕭寺太寥寂忽聞車聲來逢辛自良鄉來京

惜別已三年晨夕喜追陪七年八月余移節山左遇逢辛於德州聰明浣冰雪磊

落懷瑤瑰媿我老將至驅車走燕臺何心市駿骨寂寞空莓苔

北風起天末慘澹吹塵埃塵埃蔽天日獨立胡爲哉云何棄軒

寄軀存稿

晁斑衣舞老萊匆匆出國門送我乎城隈人生若逝水一往不復回奮爾鸞鳳翼乘風翔九垓先德遺清芬無非栽者培

寄趙大君堅

人生若大夢碌碌曾幾何所以賢達人對酒且高譔譔者一何苦不覺朱顏酡朱顏亦無幾華髮已婆娑秋氣最蕭瑟明月今宵多但聞雀鼠喧而無車馬過昂昂趙千里訪我乘明駝慷慨懷奇姿欲攬扶桑柯惜別已三秋握手相摩抄但言倦飛鳥舉世如張羅聚散如萍梗揚帆走長河東望水漫漫差喜無風波篷窓一尊酒談笑兼吟哦君堅自保陽來都同舟至津門而別請君八叉手爲我

醒愁魔軒冕等閒耳景光疾於梭而今脫塵網於此老卷阿築
臺無黃金歲月空消磨春風盼歸客行矣莫蹉跎

相約明
春返里

答趙菁衫原韻

德州道中

閱徧關河近稷門山林鐘鼎總君恩人生行止天爲主世事縱
橫道自尊文重韓蘇君獨富情深李郭我猶存西風吹送江南
客笑指當年黃葉村

擬張平子四愁詩

我所思兮東海東欲往從之心忡忡側身高望飛塵紅佳人贈
我雙鯉魚何以報之夜光珠路遠莫致增躊躇誰挽流波拯淪

寄驅存稿

三

胥

我所思兮青雲端欲往從之路漫漫側身遠望滄瀾佳人贈
我織錦裳何以報之璆琳琅路遠莫致嗔豺狼浮雲蔽日淡無
光

秋感六首

花開花落幾星霜世事如棋着着忙蜂螿無知終有毒蛟龍失
勢亦何傷秋風故故催華髮暮雨瀟瀟洗熱腸四壁蟲吟誰和
汝潛夫乘興咏滄浪

秋陽酷烈熾熾旱

廿餘日
不雨

蝦虎城荒最可歎一路哭聲增感慨

三年劫運太凋殘

髮逆踞宜
荆三年

近聞盜賊填鄉井差喜封疆簡縣

官今夜月明須痛飲子遣已得眼前安

二豎相尋困老妻秋來作劇苦沈迷疏肝難借參苓補病骨那

堪風露淒抑鬱無聊拚我醉呻吟猶語怕兒啼

甚憐
幼子

何曾消受

清閒福歎息余生運不齊

世態炎涼自古今徜徉故國感升沈看花不到河陽縣閉戶長

橫中散琴獨立乾坤驚歲晚放歌風雨入秋深生來皮骨猶如

此浩蕩江湖杜老吟

雲霧初開醒睡魔啾啾鬼蜮說閻羅豺狼屏跡空三輔麟鳳來

寄驅存稿

三

庭奏九歌隱約羊城先得氣倉皇馬尾自生波天心厭亂人心

轉瓦缶無聲劫運過

吳門秋色添吟興詞賦清新庾子山季札鬚眉多道氣老彭冠

履重鄉關交如金石情逾淡身不磷潛心自閒林下栖遲好風

日當年述作手頻刪

次蔣樺林大令留別南沙士民元韻

卅年聽鼓忽逢時人事榮枯信有期花縣清風歸澹泊棠郊春

色正迷離桑麻到處滋培養雀鼠消聲善護持難得是翁真雙

鑠公餘猶喜賦新詞

結室吳門證夙緣深譚揮塵各便才如班馬文偏富書近鍾
王墨亦鮮依舊鬚眉餘道氣翻新宋紫讓時賢萍踪聚散渾無
主莅苒駒光又一年

理煩不覺鬢毛蒼父母斯民分所當二尺無情關痛癢一身有
膽莫張皇弦訶化洽牛刀試阡陌躬行馬足忭未許犬羊來踐
履力扶士氣振雲間

大令辦教堂
案力能持正

側聞遐邇頌清官父老攀轅悲與懽豈爲沽名徒見好由來得
眾不妨寬垂揚拂地潭千尺明鏡當天月一丸漫道歸舟無別
物空囊猶有畫圖看

寄驪存稿

卷

三

王墨亦鮮依舊鬚眉餘道氣翻新宋紫讓時賢萍踪聚散渾無
主莅苒駒光又一年

沈蘭詞

光緒丁亥
年六月刊

沉蘭詞

菩薩蠻

沉

東風著意吹香絮，絲絲搖曳渾無主。寂寞下珠簾，綠窳人未眠。
畫樓芳信杳，只怕春將老。何處語流鶯，有人殘夢醒。

綠雲鬢上驚飛雪，高樓望斷西山碧。慵起倚闌干，夜來雙袖寒。
依然春草綠，綠意眉峰簇。無計戀芳菲，相思魂欲飛。

游絲暗逐爐烟裊，玉屏風外浮雲繞。深夜月明時，思君那得知。
容顏還自惜，梳洗嬌無力。何處簸錢聲，輕輕聽不真。

牡丹謝了清明雨，鷓鴣啼遍江南路。勸我早還鄉，無聊空斷腸。

沉蘭詞

陰晴無定準，似暖還輕冷。凝恨瑣重樓，美人心上秋。

上林深處行人少，鶯兒弄舌聲何悄。負了好年華，隔簾人似花。
雙蛾飛翠幙，階下翻紅藥。鸚鵡不能言，花開花落天。

香街冷落燕台月，哀鴻啼破聲聲血。睡眠尙朦朧，依稀簾外風。
蠟消紅淚滴，朱已看成碧。蘭蕙不聞香，無言花自芳。

一枝紅萼新來瘦，亭亭疏影黃昏後。空自倚屏風，相思如夢中。
而今春已半，愁裏韶光換。燕子欲歸來，滿園桃李開。

十年幻夢飛華屋，伊人依舊顏如玉。對鏡理殘妝，眉痕瑣嫩黃。
眼前紅撲簌，芳意千重束。只恐柳花飛無端，沾我衣。

菩薩蠻

蘭

簾前幾度飛香絮，依依故樹無尋處。閒憶小樓西，天涯魂欲迷。
腸迴湘水曲，眉蹙遙山綠。何日是歸期，相思淚滿衣。

杜鵑啼徧枝頭血，伊人惆悵關山別。不信見時難，深宵燈影寒。
欲歸歸不得，耿耿還相憶。相憶轉相憐，離愁年復年。

丁香雙綰同心縷，綠窓燕子呢喃語。萱草滿庭芳，難將憂暫忘。
繡簾垂永晝，篆縷消金獸。殘夢記難真，匆匆日又曛。

碧闌干外春光透，啼鶯那管花消瘦。未敢怨東風，無聊泣斷紅。
巡檐猶索笑，幽意憑誰道。深淺入時難，眉痕橫遠山。

沉蘭詞

二

前調

蘭

曉窗香燼燈明滅，畫梁紫燕憐輕別。無語怨征鴻，相思羅幙紅。
瑤階春似繡，鏡裏眉峰瘦。凝恨捲簾看，畫屏雙袖寒。

長安依舊風光好，離人惆悵垂楊道。門巷繫香車，當筵人似花。
簷前雙燕舞，宛轉留春住。莫道覺魂消，綠窓飛夢遙。

鳳凰臺上憶吹簫

秋夕

蘭

涼魄孤懸暗蟲低，訢紗籠篆縷空凝。正鶴琴琴寂，絮語餘溫又
是商飈，做冷聲聲雁。淒斷湘濱闌干倚，新愁舊夢付與詩魂。
青青鏡中鬢，影瘦損一絲。絲暈上秋痕，只藥爐茶鼎靜伴寒燈。

多少腥紅賸綠志耐得風雨朝昏晶簾悄微吟淺醉莫道酸辛

前調 用李易安韻

沉

寒葉低翻碧苔孤倚涼風吹到心頭把一絲新恨挂上簾鉤爲甚蜂忙蝶舞如夢裏多半夷猶年來瘦匆匆駒影冷入梧桐

休休髣毛換了縱老驥閑車底事淹留嘆鶴鳴誰和望香瓊樓只有庭前香草應替我空自凝眸明蟾夜閒調一琴韻裏飛愁

疏影 對月

蘭

閒庭送冷正碧大雨洗河漢宵耿漫卷晶簾慵凭闌干涼痕乍透香徑流光似水渾難挽嘆塵夢迷離誰醒但相看咫尺瓊樓

沉蘭詞

三

可有霓裳仙詠 千古盈虧閱徧是誰斫玉斧重補金鏡一樣團圓底事今宵逗起天涯離恨廿橋夜半簫聲寂只留得二分秋影等凭時銀漢槎浮採取廣寒芳信

前調

沉

秋風做冷乍冰輪半缺長夜清耿庭戶無人幽咽蛩鳴淒淒露濕香徑堦前猶憶深深拜悵夢斷初絃難醒問嫦娥何處飛來同譜瓊樓高詠 三五裝成七寶又誰百鍊也磨出天鏡只有吳剛修得重圓了却當年離恨雙鈎漫把晶簾卷恰描出一痕眉影有許多畫意詩情寫入者番秋信

金縷曲 柳線

沅

綰住東風恨最難禁閨中妝靚陌頭遙認多少愁痕搖灞岸繫
得春陰幾寸任經過甘番花信裊裊游絲牽不斷傍章臺綠意
添眉暈紅板路馬蹄趁 漫天飛絮清明近盼長亭千絲拂雨
落紅將盡怕聽陽關三弄笛見說韶華轉瞬把一縷穿來雙鬢
瘦損腰肢圍減帶曳斜陽曲曲柔腸引枝欲折更誰忍

長亭怨慢

蘭

是一段天涯愁緒綠徧東風未飄香絮情影濛濛陌頭搖碎幾
絲雨送人多矣休軟逐紅塵舞願綰住春光奈惹得花飛無主

沅蘭詞

四

莫誤怕柔痕翦斷錯認玉關歧路高樓日暮算容鏡翠眉生
妬忍看那儘意纏綿把無數閒愁牽住聽幾處笛聲如怨寸腸
千縷

高陽臺 麥浪

沅

穗影搖風濤聲捲雪飛篷誤入江田洗淨紅塵陌頭一碧無邊
桃花軟逐三篙漲畝南東裊出孤烟任扁舟傍到鱗塍泛入鷗
天 光陰怕說逢秋至認春波刺綠別夢重圓有約萍踪何時
更問南阡微風吹起千層穀恐平疇不似當年但飛來一朵黃

雲一勾廉泉

南浦

蘭

烟雨湧平疇看漸漸捲出翠痕如滴一綫混濤頭斜陽外莫辨
江天搖碧扁舟欲濟長風不送愁歸客戲水飛鴻驚誤入欲覓
更無踪跡 者番揀子風寒颺晴空吹破綠波千尺雖雉已驚
眠渾茫裏更怕浮鷗難覓陌塵消盡落花如霰輕無力望斷飛
蓬何處也萬頃黃雲猶昔

蝶戀花

榆錢

沉

細筴飛來飛幾許簸盡殘紅春夢渾無據一縷游絲穿不住恐
教化作青蚨去 訝是今年新火鑄錯落苔紋怎說非阿堵只
沉蘭詞 五

怕狂風兼驟雨滿園歸却無尋處

摸魚兒

蘭

乍飛來是誰鎔鑄匆匆難買春去飄零空向風前簸惹得落紅
無主窗外舞縱錯雜苔紋也自沾泥絮滿園幾許訝薄似三銖
柳絲穿起欲作阮囊補 天邊種受盡一番風雨尋來更在何
處青蚨已化無踪跡春夢幾曾醒否君莫誤且謾說通神轉眼
皆塵土何須細數便十萬腰纏東皇不吝空自喚阿堵

百字令

唐花

沉

一枝奇艷已匆匆開了寒香凝骨縱是冬烘空色相却勝東皇

噓拂鏡裏芙蓉樓頭楊柳多少人攀折芳心遙對何愁天外飛
雪記得鸚鵡洲邊花曾相識已是三年別怎奈錦旛深護處
靜聽鶯兒翻舌草綠多情薇紅無主冷落燕台月春風休怨杜
鵑又欲啼血

壺中天慢

送春

深深庭院正綠肥紅瘦幾番梅雨九十韶光都過了引起離思
千縷燕語添愁鶯聲做暖無計留春任依稀夢醒誰將心事低
訴回首芳草天涯王孫去也消息知何處難道東風真有脚
踏碎落紅無數豈謂殘菡薇香冷寂寞扁朱戶匆匆一別添
沉蘭詞

六

人多少情緒

南浦

秋雨

飄殘桐葉向空階一滴秋不是鷄鳴蕭館遮莫惹閒愁悔
種芭蕉無數鷓鴣驚回幽夢醒高樓聽疏蟬欲斷檐前浙瀝點點
碎心頭酒徧長堤烟柳一絲絲空把淚痕流洗盡繁華多少
心事付閒鷗憶着江楓漁火問西風何日到南州待開門試看
最憐殘月挂簾鉤

前調

秋柳

涼颺搖碧一絲絲恰綰住秋魂依舊章臺歌舞總不似青春耐

得西風蕭瑟曳斜陽倦眼送行人想翠樓搖夢白門牽別回首
盡愁痕 幾點歸鴉栖穩又疏蟬咽斷月黃昏屈指江湖搖落
一葉一含顰休恨芙蓉花老怕陽關折盡更傷神只憐伊瘦損
莫教眠起惹輕塵

南浦 秋寺

虛壑隱琳宮聽鐘盪出無邊荒綠此去白雲深殘陽裏塔影
一痕斜矗楓林漠漠石牀夢冷枯僧覺法雨飛來寒佛頂黃葉
滿山秋肅 清涼世界依然笑拈花應是前身金粟孤磬一聲
聲皆空相喚醒閒愁千斛晚菘翦兩分他滋味醫吾俗試問木
樨開也未香過幾番寒燠

沈蘭詞

七

前調 秋草

落日冷平蕪正萋迷綠意滿堦空繞一夢醒池塘西風裏染就
愁痕多少暗蛩咽露窻前寂寞新涼峭化作流螢飛去也却又
半簾青到 更憐碧色淒清怕江郎一樣魂消天杪霜訊乍驚
寒年年綠低襯白蘋紅蓼汀洲渺渺踏青人遠秋將老望斷荒
郊枯不盡算是王孫歸了

摸魚兒 銅雀臺

沉

最銷魂玉虹春瑣阿瞞今在何處憑高占得繁華地可是那時

詞舞君也誤算百丈凌虛怎得雙喬住東風莫妬賸疑塚青燐
清漳碧水冷咽夕陽暮傷心事金碧灰飛一炷堪憐千古兒
女英雄何地重橫槊泣盡西陵風雨空記取縱繡履分香也只
埋塵土蒼涼無數但片瓦飄殘荒臺寂寞啼徧雀聲苦

徵招 望思臺

青宮滴盡銅人淚飛來許多新恨莫再說神仙怕妖烟空凝團
圜明月影甚照見白頭霜鬢木偶誰埋玉梯高峙夜臺孤冷

鐵甲已沈寃銷魂處星星亂螢飛燐縱百尺扶登又西風淒緊
危闌秋欲暝聽湖水濺濺酸哽更何自喚起泉鳩把諫書重省

沉蘭詞

六州歌頭 歌風臺

八

中原跌蕩好仗劍還鄉金風起銀雲卷正蒼茫喚歌郎百二臺
前列剛置酒齊擊筑臨河曲停車駐斜陽爲念桑離梓別東
歸也玉勒飛霜認袍痕洳血一笑氣難降父老爭看旆飛揚

壯懷欲裂登百尺頻起舞引杯長思猛士空浩想願難償恨茫
茫衆鳥天邊盡緣何事把弓藏歌鳴咽塵昏黑陣雲黃誰逐亡
秦走鹿從今後莫說韓張望深深殿閣野雉又高翔往事堪傷

湘春夜月 朝陽臺

吐靈芝一枝約住芳魂可惜渺渺湘波怎咽斷聲聲縱算風流

如夢怕夢兒無準喚也難醒問高唐何處猶聞夜語只自傷神
巫山作主朝朝暮暮盪此精靈幻出相思一例是荒唐雲雨
老却春人迷離楚澤向西風暗泣羅裙更何日把并刀剪斷幾
絲舊恨一縷愁痕

暗香

梅花

蘭

鶴樓一別幾曾聽五月江城吹笛客裏相看却似瑤臺舊顏色
爲問故國何處但倚竹亭亭玉立悵歲暮驛使難逢無路寄消
息遙惜意脉脉想幾度湘南一樣凝碧冷香透骨莫管西風
更飛雪只恐冰姿瘦損曾換了從前丰格記昨夜春到也綠紗

沈蘭詞

九

窻側

疏影

水仙

蘭

瑣窻夢曉正烟綃淡白爐篆低裊翦雪聞香玉立亭亭無言伴
我幽悄依稀洛水凌波影恐飛去廣寒瑤島問靈妃何處歸來
幻作冰魂縹緲窺鏡漫憐憔悴翠鬢零落後香夢都杳不管
東風洗淨鉛華吐出芳心多少枝枝不讓梅花瘦算肯讓梅花
春早儘一簾飛絮飄殘釀就十分寒峭

賀新涼

蘭

已是傷離別更那堪風風雨雨助人淒切寶鼎香寒銀燭暗遠

夢迷離難覓聽破曉流鶯聲滑似說金門人待漏負香衾一樣
工愁絕身千里寸心折 天涯驛使遲消息倚闌干腰肢盈握
祇應自惜三五良宵團圓影相對可憐遙夕算只有啼痕凝碧
目極蒼茫雲樹外料鞭絲空裊斜陽陌魂消處共誰說

綠意 題墨蘭

蘭

疏簾卷處有盈盈倩影相共清窈極目湘江數徧花期澤畔行
吟人杳天寒翠袖亭亭立算羞伍堦前芳草儘恁伊桃李春濃
靜倚空山斜照 月夜歸來環珮認珊珊秀骨香心寒抱寂寞
生綃妬殺嫣紅那怕輕塵飛到試將彩管描卿樣渾未減當年
沉蘭詞

十

幽悄看一枝展盡靈芬不與秋風吹老

浪淘沙

蘭

薄雨釀輕寒惆悵征鞍萍蓬踪跡廿年間回首朱樓何處也萬
點青山 明月喜團圓盡解愁顏天涯莫漫悵衣單計日海棠
春爛熳詞詠憑闌

月華清 中秋夕

沉

珠露飛空銀雲捲盡半天涼魄初逗一片秋痕付與玉人消受
只二分應在揚州恐愁損恁時羅袖攜手認新描眉樣近來都
瘦 莫道盈虧異候算此夕蟾圓三秋還又唧唧吟蛩冷閃青

燈如豆看河漢暗度疏星數盡了五更殘漏依舊正商量聯句
晶簾微皺

疏影

菊影

沉

寒英綴玉向窻前暈碧幽韻初發移上銀屏暗瀉秋痕燈兒半
與明滅亭亭隔着簾波動怕誤了穿花零蝶看一枝瘦入西風
醉裏依稀空折 只有芳心冷抱暗中任印取孤白如雪佳色
分明零落何曾搖碎滿塔涼月參差淡映霜痕淺又錯認生綃
重疊却愛他晚節留香更比靚妝清絕

摸魚兒

自題寄鷗小影

沉

沉蘭詞

十一

盪鷗邊一湖晴綠涼風吹動秋思十年浪跡真如夢夢也無人
能記聽鶴唳悵傀儡生涯消盡元龍氣憑誰寫意向絕壑吞雲
澄波浴雪別有一天地 滄桑變過眼浮雲容易而今心事難
寄愁子雙髻如伊白此意可曾知未空自計計楚雨燕雲怎似
舟難繫石苔孤倚看寂寞蒼葭飄零斷梗極目浩無際

賀新涼

自題退食聯吟圖

沉

囊隱烏紗側夜如何枉教閒了半窻寒月花底委蛇吟肩並鳥
裊琴聲初歇把五色蠻牋勻擘一字商量猶未穩恰茶香靜透
爐烟碧蓮漏永倚長笛 荆南舊事休重說泛湘波三生石畔

斷鴻能覓畫不分明眉影皺瘦了珊珊詩骨算還是家傳衣鉢
杜壘爭摩多慷慨儘毫端寫出愁千疊琴與鶴共清絕

滿江紅

沉

午夢初醒聽天半雁聲嘹唳秋到也欲晴還雨小窻岑寂蕉葉
有心新捲綠柳條無眼空搖碧問天涯消得幾多愁朝還夕
桐葉落飛螢滅蓮漏歇寒蟿泣怕游絲暗裊欲尋無跡世事方
知疏處誤生涯只向閑中覓算而今尙有好湖山江南北

水調歌頭

題楚山望雲圖

沉

鄂渚泛萍水萬里夢還家不知多少游子離思滿天涯極目吳
沉蘭詞

三

頭楚尾又被烟痕瑣住誰認舊雲霞寸草晴川綠一抹夕陽斜
登絕頂凝望眼訊偏賒蓬萊尺五天近貫月待乘槎忽聽鶴

樓梅籟吹轉羅紋千疊莫轉好年華暮靄盪空碧孤雁落平沙

摸魚兒

舟中

沉

近黃昏風帆穩住飛來多少情緒廿年莫負閑鷗約此景猶堪
重數春欲暮喜蘭室生溫拋却愁千縷挑燈夜語更夢到青鸞
歸來紫燕相與結鴛侶 光陰換曾記胥江喚渡看花隨意搖
去而今鶯脰湖邊月照我鬢絲如許憑闌處但譜出雙聲總是
銷魂句清尊與汝且漫說純醪伴儂短夢一例問雲路

前調 次韻

蘭

最銷魂。婷婷倩影繫人。幾許情緒畫屏。若個添香伴。舊恨不須再數。朝與暮。算翦斷心頭。眼底思千縷。倚蘭無語。且漫賦蘼蕪。細調瑤瑟。相證歲寒侶。歡娛事。惆悵雙星飛渡。愁來只恐難去。天桃却比幽蘭艷。贏得繹綿如許。凝眸處。看燕燕鶯鶯做盡傷春句。唱余和汝。願莫織迴文。融成水乳。攜手覓歸路。

湘春夜月 燕

沉

捲珠簾。一春容易銷魂。只是喃喃燕語。怎不解傷春。曾識烏衣巷裏帶一分花意。搖蕩羅裙。算十年幻夢。畫樑深處。復見桃根。

沅蘭詞

十三

紗籠倦倚香凝。九畹分外溫存。且共嚼盃。恰邀得二分明月。

對影三人

道出揚州

靜依翠幙。效于飛不染輕塵。從此便把游絲翦。

斷莫教蜂蝶空惹啼痕。

